

NOTICIA DI
GOBIERNO

ISLA((•))NLINE

20
22

Diamars 17 Mei 2022

Email: IslaOnline@gobierno.aw Tel: 528-4952



Gabinete Wever - Croes II

2022

**AÑA DI INVERSION
Y OPORTUNIDAD**

2022
AÑA DI INVERSION
Y OPORTUNIDAD

**ARUBA MESTER
DI E ESFUERSO
DI NOS TUR PA
RECUPARA**

PRIME MINISTER
Evelyn Wever-Croes



SECRETARIO DI ESTADO VAN HUFFELEN LO PARTICIPA NA SEMINARIO "HENDE MUHENAN FUERTE"



E siman entrante Secretario di Estado Alexandra van Huffelen ta bishitando nos islanan Aruba, Corsou y Sint Maarten pa algun encuentro cu ciudadanonan, voluntarionan y empresarionan. Durante su estadia cortico na Aruba, Secretario di Estado van Huffelen ta participa na un seminario organisa pa Gobierno di Aruba y Universidad di Aruba. E seminario aki ta hiba e titulo di 'Hende Muhenan Fuerte'.

E seminario aki ta conta cu un programa sigur hopi bon hinc den otro, na unda cu varios di nos hende muhenan fuerte cu posicionnan clave den nos comunidad, lo elabora riba diferente tema sumamente intresante. Tambe lo tin dos panel pa

debati riba diferente topico y rol di nos hende muhenan den liderazgo.

Gobierno di Aruba ta extende un invitacion na tur nos hende muhenan y nos hende hombernan pa sintonisa e seminario en bibo a traves di Tele Aruba diamars 24 di mei di 10.00 am pa 12.00pm.

Prime Minister Evelyn Wever-Croes a enfatisa cu pa Aruba e seminario aki ta algo grandi sigur, mirando e rol asina importante cu nos hende muhenan tin aki na Aruba den ultimo tempo.

Xiomara Croes - Williams, Voorzitter di Algemene Rekenkamer:

APERTURA DI CAROSAI EXITOSO CU

ASISTENCIA DI VARIOS PARTICIPANTE

INTERNACIONAL



E siman aki a tuma luga e apertura oficial di e di 12 congreso CAROSAI, cu a conta cu presencia di diferente dignitario di diferente pais. Sra. Croes – Williams, Voorzitter di Algemene Rekenkamer y alabes Voorziter di CAROSAI pa e proximo 3 añanan, a expresa cu tur cos a bay bon cu e apertura di e congreso y a splica un tiki di locual lo tuma luga e siman aki.

Na apertura di e congreso CAROSAI a conta cu presencia di Gobernador, Prome Minister, y diferente Parlamentario. Banda di diferente discurso, tambe a tuma luga un 'Parada di Bandera' cu banderanan di e 23 paisnan cu ta forma parti di CAROSAI. Mas durante dia, a inicia cu e "panel discussions", sra. Croes - Williams a splica.

E congreso a inicia un dia anterior, esta diadomingo cu un actividad di bon bini, dialuna a tuma luga e apertura oficial y lo sigui cu diferente sesion diamars y diaranson, pa despues clausura e congreso diahuebs. "Te ainda tur cos a bay hopi bon y ta contento di mira tanto hende di afo asisti e congreso unda cu nan ta haya tambe un poco sabor di nos calor di Aruba," sra. Williams a expresa.

Representante di Supreme Audit Institutions (SAI) di Brazil, cu proximamente lo bira e voorziter di INTOSAI na november, a comenta cu e miho cos di Aruba ta su hendenan.

Terminando, sra. Croes - Williams a bisa cu el a keda sumamente contento pa tende e expresionnan aki, cual ta muestra cu banda di cu ta trata temanan hopi interesante, importante y serio, tambe ta duna tur e bishitantenan un toke di e calor Arubiano y di e bunita isla di Aruba.



Prome Minister Evelyn Wever-Croes: En conexion cu campana di conscientisacion di presion halto **PROME MINISTER A CHECK SU PRESION Y A CONOCE SU NUMBERNAN**

Riba Dia Internacional di Hipertension, 17 di mei, Ministernan di Gabinete Wever-Croes a uni nan mes na e campaña 'Conoce bo Number' di Departamento di Salud Publico Aruba (DVG) hunto cu IBISA. Un programa di salud cu ta basa riba prevencion di consecucionan medico cu por surgi di presion halto si un persona no ricibi tratamiento.

Diamars mainta, Ministerio di Salubridad, a organisa un dia special na Bestuurskantoor pa duna Ministernan y empleadonan di e oportunidad pa pasa check nan presion. Docter Gerrit Croes y señora Dahariana Evertsz di Health Promotions a tuma presion di ministernan. Prome Minister Evelyn Wever-Croes a wordo atendi e mainta aki pa colega di Partido MEP, Docter Gerrit Croes. Premier ta contento cu el a Conoce su Numbernan cu ta 110-80 cu ta un indicacion cu nos Prome Minister ta bon di salud pa loke ta trata presion.

Prome Minister ta haci un yamada na cada ciudadano pa ta consciente di su number y check presion debidamente. "Ta importante pa nos check nos presion y sa e numbernan di nos presion pa asina keda gosa di un bida saludabel", Prome Minister a enfatisa.



SECRETARIA DI ESTADO VAN HUFFELEN TA BISHITA ARUBA, CURACAO Y SINT MAARTEN PA TOPA CU CIUDADANONAN



Secretaria di Estado Alexandra van Huffelen di Relacionnan di Reino lo ta bishitando Aruba, Curaçao y Sint Maarten di Dialuna 23 di mei pa diabierna 27 di mei pa asina encontra cu ciudadanonan, empresarionan, voluntarionan y organisacionnan social pa scucha nan preocupacionnan y nan soñonan.

E Secretaria di Estado ta masha entusiasma pa biaha pa e islanan y ta expresa: “Apesar cu naturalmente mi lo topa cu mandatarionan durante e biahe aki mi enfoke lo ta mas riba sera conoci cu e habitantenan di e islanan. Como mandatario nos tey pa e hendenan y no lo contrario. Esey ta nifica concretamente cu mi no kier combersa solamente cu politiconan. Mi kier sera conoci cu e habitantenan y organisacionnan social personalmente. Pa scucha kico nan soñonan ta y tambe kico nan preocupacionnan ta.”

Na Aruba e Secretaria di Estado entre otro lo ta combersando cu diferente persona na e conferencia di “Women Leadership Seminar”. Na Curacao Van Huffelen lo pasa tempo cu miembronan di “Vereniging Bedrijfsleven Curaçao” (VBC). Y por ultimo na Sint Maarten su meta ta pa combersa cu hobennan profesional tocante nan ambicionnan.


Esaki lo ta di dos biaha cu Secretaria di Estado Van Huffelen lo ta bishitando e parti aki di Reino desde comienso di su termino.


Gobierno di Aruba

DIA MUNDIAL

DI

HIPERTENSION



**17 MEI
2022**



Minister Maduro:

Cultura lo forma parti di apertura di Weganan Escolar WEAruba 2022

**UN EVENTO PA NOS HOBENNAN COMPARTI
Y COMPETI CU OTRO, EDUCANDO NAN DI E
BALOR Y E FORZA CU UNION TA TRECE CUNE**

Diabierna ultimo nos Minister Endy Croes a anuncia cu e Weganan Escolar WEAruba ta bay cuminsa. Un bunita proyecto pa nos hobennan por comparti y competi cu otro, educando nan di e balor y e forza cu union ta trece cune. Minister di Cultura Xiomara Maduro tabata presente y a hiba palabra. Den su discurso e mandatario a yama danki na Minister Endy Croes, full e team di IBISA, y na Directiva y Cablesante di scolnan pa haci e weganen aki posibel. E parti cultura tambe lo forma parti di esaki ya cu e apertura di e Weganan Escolar WEAruba lo ta den man di John Freddy Montoya di Departamento di Cultura y WEWE cual ta e mascota di WEAruba. Minister di Cultura ta desea nos muchanan tur clase di exito den e Weganan Escolar WeAruba. Hunto por yega leu den bida y den deporte si bo traha duro bo por gana.



PODER DI MUSEONAN

Esaki ta e tema di 2022 pa Dia Internacional di Museo cu ta ser celebra riba 18 di mei

Museonan ta un luga di descubrimiento incomparable, ta educa nos y habri nos mente pa ideanan nobo, y asina contribui na un miho futuro.

E aña aki ta explora e potencial cu museonan tin pa aporta na un cambio positivo den comunidad enfocando riba tres aspecto. E poder pa yega na un comunidad sostenibel, e poder pa inovacion den digitalizacion y accesibilidad y e poder pa fomenta sentido di comunidad pa medio di educacion.

Museonan ta aliado strategico pa un desaroyo sostenibel hunto cu actornan publico, civico y comercial. Atende e retonan cu mundo ta confronta den cuido di medio ambiente y frena cambio di clima ta necesario pa mehora sostenibilidad di cada comunidad. Ciencia tin un papel clave pa distribui informacion riba e temanan concerni. E investigacion academico di arkeologo Harold Kelly riba con Aruba su habitantenan a atende cu cambio di clima den tempo por yuda garantiza cuminda, awa y bibienda den futuro.

Den e proyecto di MANA, 'Manteniendo Nos Herencia Bibo Den Tempo,' ta inclui tecnicanan pa reduci uzo di coriente y promove un medio ambiente di trabou mas sano.

Pa medio di digitalisacion por alcanza y educa publico grandi den un forma directo y efectivo. Museonan tambe ta aplica digitalisacion pa keda relevante y promove acceso na informacion. MANA ta agradecido na Mondriaanfonds di Hulanda cu a subsidia un colaborador pa medionan digital cu lo desaroya un website nobo y tambe desaroya un programa pa su mercadeo digital.

Pa medio di e coleccion y programanan museonan ta contrubui na diferente desaroyo den educacion di comunidad. Door di brinda oportunidad di siña na otro, museonan ta yuda na forma un sociedad informa y comprometi loke ta fundeshi di democracia di un pais. MANA ta ofrece programanan educativo na scolnan y na e publico general. Educacion continuo di ekipo di MANA ta yuda brinda mihor servicio na Aruba. Recientemente arkeologo Raymundo Dijkhoff a termina un curso internacional relaciona cu cuido y conservacion di nos herencia cultural sub-acuatico.

MANA ta felicita tur museo y nan personal na Aruba y rond mundo riba nos Dia Internacional di Museo. Nos ta convenci cu union ta hasi forsa y ta crea e poder pa trece e cambionan desea rond mundo.





SETAR N.V. TA HACI ENTREGA DI RELATO ANUAL CERCA MINISTER GEOFFREY WEVER



Dialuna 16 di mei 2022 a tuma luga un reunion di e accionistanan di Setar N.V. (aandeelhouders vergadering). Durante e reunion, Minister di Asuntonan Economico, Comunicacion y Desaroyo Sostenibel, Mr. Geoffrey Wever, a ricibi tambe e relato anual di Setar N.V.

Minister Wever ta aplaudi e entrega na tempo di e relato anual, danki na e gerentenan y tambe miembronan di e hunta di supervision cu a haci esaki posibel.

Setar N.V. ta keda un compania robusto. Durante e aña di pandemia e situacion no tabata facil pa casi ningun compania, y Setar no tabata exclui di e grupo aki. Ta danki na manejo financiero responsabel y inovacion continuo cu por a supera e crisis, cu ya caba por raporta mehoracion den e aña di 2021. Ta

premira cu 2022 ta bai na un aña sumamente exitoso, caminda lo sigui promove e tecnologia y servicio di telecomunicacion.

Durante 2021 Setar a raporta un entrada netto di AFL 14.7 miyon. Minister Wever a aproba e cuentanan anual di 2021 y a aproba cu Setar N.V. ta paga su unico accionista, cual ta Land Aruba, un dividendo di Afl 5.5 miyon over di e aña 2021.

Setar ta continua di ta un contribuidor importante na e economia di Aruba, brindando e servicio y desaroyo tecnologico di comunicacion. Den e era moderno, conexion ta mas importante cu nunca. En conexion cu Dia di Telecomunicacion, 17 di mei 2022, Minister Wever ta gradici tur e profesionalnan cu ta labora duro tur dia pa mantene e conexion aki posibel.



17 mei 2022

DIA MUNDIAL DI
TELECOMUNICACION

Riba e dia aki ta accentua e importancia di telecomunicacion y informacion den un sociedad, reconociendo cu e ta bay man den man cu avanse y progreso di un comunidad

Gabinete Wever-Croes ||



17 mei 2022



MASHA PABIEN
FELICITACIONES
Van Harte Gefeliciteerd!
Koningin Maxima



Gabinete Wever - Croes ||



KEN TA WEWE?

E mascota di weganan Escolar 2022

WeWe ta e mascota oficial di WE Aruba 2022. WeWe ta respresenta e prikichi di Aruba cual ta un di e parhanan cu ta pertenece na e flora y fauna di Aruba. Tambe WeWe ta alegre y ta gusta hunga cu muchanan di diferente scol na Aruba. E punta di WeWe su hala ta color roos y ta representa e mucha muhenan di diferente scol cu ta participando den WE Aruba 2022.

E parti blauw cla di WeWe su hala ta representa e mucha hombernan di diferente scol cu tambe ta participando den WE Aruba 2022. E colornan blauw, geel, cora y blanco ta respresenta e color di e bandera di Aruba y tur e colornan aki hunto, ta simbolisa union entre nos muchanan y e weganan escolar. Si abo mira WéWé un caminda, yam'e p'e bin saca un portet cu bo. WeWe ta hopi cariñoso y ta stima mucha.



Minister Endy Croes:

OPLEIDING DI IT TA START NA COLEGIO EPI

Dialuna atardi a yega informacion di preocupacion di mayornan cu lo elimina opleiding di IT. Pa loke ta trata opleiding di IT, esaki ta sigui normal y no lo wordo elimina.

Tin dos opleiding: Allround Medewerker IT y Expert IT system and devices. Pa loke ta trata e informacion cu lo reduci e cantidad di 'Culinary Arts', tampoco ta berdad. E cuponan ta igual na e cantidad anuncia.

Mester corigí e informacion treci dilanti cu ta wordo haci sin base y ta lamenta cu ta purba na trece intrankilidad na un forma innecesario.



MINISTER ENDY CROES A BISHITA STUDIANTENAN DI VERPLEEGKUNDE Y WELZIJN EN CONEXION CU DIA MUNDIAL DI ENFERMERIA



Diahuebs ultimo Minister Endy Croes a sorprende studiantenan di EPI unidad di Salubridad y Servicio den e ramo di Verpleegkunde y Welzijn. En conexcion cu dia mundial di enfermeria. E mandatario a tuma e oportunidad riba e fecha special aki pa felicita e studiantenan cu a scoge e carera aki y pa gradicinan.

Minister Endy Croes a pone enfasis riba e balor y importancia di e trabou, specialmente mirando e añanan tras di lomba. Un cantidad grandi di alumnonan a duna sosten den e 'response team' durante COVID 19 como tambe den e proyecto di vacuna. E mandatario a expresa; ta un trabou cu nos tin cu balora hopi, paso es nan cu ta traha den salubridad ta salba bida di henter un comunidad. Na mes momento e mandatario di enseñansa ta desea e studiantenan hopi exito cu nan estudio. E studiantenan



cu tin e oportunidad pa sigui studia enrikece nan conocimiento haci uso di e oportunidad awo cu bo ta hoben. Masha pabien y danki pa sirbi salud di pueblo.



MINISTER GLENBERT CROES A REUNI CU START FOUNDATION HULANDA



Minister Glenbert Croes a sostene un reunion cu Jos Verhoeven, Algemeen Directeur di Start Foundation. Start Foundation a cuminsa inicialmente como un uitzendbureau funda a base di e filosofia di tripartite, pues door di Sector Sindical, Sector Comercial y Sector Publico.

Mientras tanto START ya no ta un uitzendbureau mas pero ta un instituto cu ta sali na e defensa di e trahado proactivamente, cu un manera inovativo di atende cu asuntonan di mercado laboral. Mas bien tambe, START foundation a bira un vocero pa derechonan laboral di trahadonan.

Sr. Verhoeven cu Minister Glenbert Croes a elabora riba e similaridadnan den mercado laboral y con trahando hunto lo por mehora e posicion y futuro di trahadornan di Aruba den e mercado laboral den cuadro di e recuperacion economico di nos Pais.



MINISTER GLENBERT CROES A REUNI CU SU COLEGA HULANDES MINISTER ROB JETTEN

Minister Rob Jetten di Hulanda ta e Minister di Energia pa cual motibo cu Glenbert Croes a reuni cu su colega Hulandes pa hunto delibera riba e futuro energetico di Aruba, Hulanda y mundialmente.

E mandatario a informa Minister Jetten di e transicion importante cu recientemente Aruba a haci, esta di elimina uzo di HFO y pasa over pa un energia mas limpi cu ta LNG. Un iniciativa di Aruba pa aplaudi mirando e meta final cu ta pa cumpli cu e tratado di Paris pa 2050.

Manera e mandatario a publica: “Hunto nos lo logra scapa nos humanidad, scapa nos mundo cu un politica energetico dinamico, limpi, den transicion y protegiendo nos medio ambiente, pa nos generacionnan venidero por tin un mundo salba pa biba riba dje. Cu Colega Minister di Energía Rob Jetten nos ta bai traha hunto como Reino Hulandes rumbo e cumplimiento cu e Acuerdo di Paris 2050”.



Feliz diamars!

DESPUES DI TEMPONAN DIFICIL
CU NOS A PASA ADEN,
NUNCA NOS MESTER LUBIDA
E FORSA IMPRESIONANTE,
E RESILIENCIA Y SOLIDARIDAD
CU NOS A MUSTRA OTRO COMO
CIUDADANO, FAMIA Y
COMO PARTI DI E COMUNIDAD MUNDIAL.
HUNTO NOS MESTER ACTUA, INNOVA,
ADAPTA Y AVANSA Y
RECONSTRUI NOS PAIS.



**20
22** | AÑA DI
INVERSION Y
OPORTUNIDAD